

WIDA Alternate ACCESS for ELLs

Alternate ACCESS for ELLs yog dab tsi?

Alternate ACCESS for ELLs yog ib qho kev ntsuam xyuas seb **paub lus** Askiv zoo npaum cas rau cov tub ntxhais kawm ntawv Qib Kawm 1-12. Muaj kev ntsuam xyuas txhua xyoo los pab cov cheeb tsam tsev kawm ntawv saib xyuas txog kev **txawj lus** Askiv ntawm cov tub ntxhais kawm ntawv uas pom tias yog cov **kawm lus Askiv** uas muaj kev tsis taus loj hauv kev siv laj lim tswv yim.

Lub hom phiaj ntawm qhov kev xeeb no yog dab tsi?

Alternate ACCESS for ELLs ntsuas cov tub ntxhais kawm ntawv cov peev xwm los nkag siab thiab siv cov lus Askiv hauv tsev kawm ntawv. Plaub seem ntawm kev ntsuam xyuas yog kev Mloog, Nyeem Ntawv, Hais Lus, thiab Sau Ntawv.

Vim li cas kuv tus me nyuam ho yuav tau xeeb?

Tau pom tias koj tus me nyuam yog ib tug **kawm lus Askiv** uas tseem muaj ib los sis ntau tshaj ib qho kev tsis taus hauv kev siv laj lim tswv yim. Koj tus me nyuam yuav xeeb los pab cov cheeb tsam tsev kawm saib xyuas koj tus me nyuam txoj kev paub lus Askiv. Nug koj tus me nyuam lub tsev kawm ntawv yog xav paub ntxiv txog seb ua li cas ho paub tias koj tus me nyuam yog ib tug kawm lus Askiv.

Kuv tus me nyuam xeeb thaum twg?

Txhua lub xeeb teeb ib lub sij hawm rau cov tsev kawm ntawv los xeeb tus Alternate ACCESS for ELLs. Cov tsev kawm ntawv teem lub sij hawm seb cov tub ntxhais kawm ntawv yuav xeeb plaub seem hauv tus xeeb thaum twg hauv lub sij hawm uas kom xeeb. Nug koj tus me nyuam lub tsev kawm ntawv yog xav paub ntxiv txog seb tau teem rau koj tus me nyuam mus xeeb tus Alternate ACCESS for ELLs thaum twg.

Yuav siv cov qhab nias ntawm qhov xeeb ntawd li cas?

Cov qhab nias ntawm tus Alternate ACCESS for ELLs yuav siv tau los ua ntau yam. Cov niam txiv yuav siv tau cov qhab nias los pab tawm suab sawv cev lawv tus me nyuam, tshwj xeeb thaum ntsib nrog pawg neeg hauv tsev kawm ntawv los tsim lawv tus me nyuam Tsab Ntawv Teev Kev Kawm Ntawv Tus Kheej (IEP). Cov kws qhia ntawv siv cov qhab nias los npaj txoj kev qhia ntawv thiab cov kev ntsuam xyuas. Cov cheeb tsam tsev kawm ntawv siv cov qhab nias los soj ntsuam lawv cov kev pab qhia lus, los saib xyuas tus tub ntxhais kawm ntawv txoj kev kawm lus Askiv, thiab los txiav txim seb tus tub ntxhais kawm ntawv puas tsim nyog tawm hauv txoj kev pab qhia lus Askiv. Tseem siv cov qhab nias kom ua tau raws li qhov uas nom tswv thiab xeeb kom yuav tsum tau ua.

Cov Lus uas yuav Nug Tau

Cov niam txiv yuav siv tau cov nqe lus nug nram qab no kom tau cov lus qhia ntxiv txog lawv tus me nyuam txoj kev xeeb:

- Leej twg yuav muab tus xeeb Alternate ACCESS for ELLs rau kuv tus me nyuam?
- Kuv tus me nyuam yuav xeeb qhov twg?
- Puas tau muaj leej twg hauv lub tsev kawm ntawv piav qhia txog txoj kev xeeb rau kuv tus tub/tus ntxhais?
- Tag nrho kuv tus me nyuam cov kws qhia ntawv puas paub tias nws yuav xeeb?
- Raws li kuv tus me nyuam Tsab Ntawv Teev Kev Kawm Ntawv Tus Kheej (IEP), yuav muaj cov kev pab nws li cas thaum lub sij hawm xeeb?
- Yuav qhia cov qhab nias rau kuv thaum twg thiab yuav qhia li cas?

Nug tau koj tus me nyuam lub tsev kawm ntawv yog tias koj muaj lus nug txog Alternate ACCESS for ELLs.

Cov Ntsiab Lus Yuav Tau Paub

Cov neeg kawm lus Askiv yog cov tub ntxhais kawm ntawv uas tsim nyog tau txais kev pab kawm lus Askiv hauv tsev kawm ntawv.

Kev paub lus yog ib txoj kev ntsuas txog seb cov tub ntxhais kawm ntawv nws kawm tau zoo li cas lawm hauv tus txheej txheem kawm lus.

Kev kawm lus yog ib tug txheej txheem uas yuav siv sij hawm. Cov tub ntxhais kawm ntawv txav hauv tus txheej txheem no sib txawv.